

- متهم ؟
- عايز تدفنهم ليه ؟ وتدارى عملتك السوداء ..
- يا عم أنت فاهم غلط .. تماثيلي .. وجاي أغرقهم ..
- وحياتة النبي ايه ؟ سارقهم من أيتها داهية ..
- تبعى .. عاملهم بايدي ..
- معقول ؟ دي تصاوير من بتوع السرايات .. فاكرنى ايه ؟
- أنا تقديم .. خدمت من أيام الانجليز والملك وفاهم كل حاجة .. عندي
مخ ..
- افهمنى طيب .. ياشساويش أنا مثال .. صناعتى
التمثيل ..
- ولو فرض انه صحيح .. بهون عليك ترميهم .. تحدفهم
فى البحر .. تدفنهم بالحيا يا مفترى أوزنها بالعقل كده طب ورينى
البطاقة ..
- (يحاول العثور على البطاقة فى جيبه .. يأتى بحركات
بهلوانية وعصبية تبعث على الضحك .. والقلق)
- قدامى يا أخويا على القسم .. لم .. شيل ..
- أشيل ذنوبى
- (قبل أن يغادر المكان يلتفت كمن يوجه حديثه الى « شهود »
.. أو « جمهور »)
- شاهدين يا عالم .. أنتم شهود .. تماثيل وقررت الانتحار
حتى فى الموت .. لا نموت فى هدوء ؟
- (خروج)